



## Terenga 6: Hōtaka 32 - Te whiore whakatūingoa

### He Mihi

Tēnā anō rā koutou te hiapo mai nei ki te waharoa o Ako. E karanga nei tēnei hōtaka ki a Ngāti Hōkaka, ki a Ngāti Hū-nui ki te reo, ki a Ngāti Manawa Kai Roke.

### Hei Mahi Whakarongo

Nō ngā iwi o Whanganui te kaikōrero e whai ake nei me āna whakamārama e pā ana ki tētehi whakataukī i puta i tana tupuna, i a Tinirau. Anei ngā pātai hei whakautu mā koutou:

- 1) Hei aha tāna whakataukī?
- 2) Me pēhea e toitū ai aua āhuatanga?
- 3) He aha ia i wehi ai?


Kia whakarongo ake tātou ki te uri o Ngāti Rangi.

### He Whakamārama

Tirohia ngā whiore e whai ake nei. Ka tāpirihia ngā whiore pēnei i te '-nga', i te '-anga', i te '-ranga', i te '-tanga', i te '-manga', i te '-hanga', e huri ai te ingoa hei tūingoa. I te nuinga o te wā, e tohu ana i te wā, i te wāhi rānei i puta ai taua āhuatanga.

- a) pānuitia > pānuitanga
- e) pai > painga; pau > paunga; moe > moenga
- i) Māori > Māoritanga
- o) rumaki > rumakanga
- u) kitenga tuatahitanga

### He Mahi Ī-papa



He aha te whiore ingoa mō ngā kupu kei runga i te ĩpapa?

---

---

### Hei Mahi

**Whakatikahia ēnei rerenga kōrero e noho hapa ana:**

1. Ko te tuatoru tēnā o ngā pānui o te ture hou.
2. I taku kitea i te kiritata, ka pukukata ahau.
3. Whāia tēnā mahi hei pai mōu.
4. Koirā te takoto o ngā mātua, o ngā tūpuna.

### Whakautu:

**Mahi ĩpapa:** puāwaitanga / aonga / nōhanga, nohoanga

**Hei Mahi:**

1. Ko te tuatoru tēnā o ngā pānuitanga o te ture hou.
2. I taku kitenga i te kiritata, ka pukukata ahau.
3. Whāia tēnā mahi hei painga mōu.
4. Koirā te takotoranga o ngā mātua, o ngā tūpuna.